

Badudi ba Ward 19 ba tsweletša dikakanyo mabapi le Draft 2022/23 IDP

Ngwaga ka ngwaga badudi gotšwa dikarolong ka moka tša Masepala wa Blouberg ba fiwa sebaka sa go ntšha maikutlo le go tšweletša dikakanyo tša bona malebana le lenaneo kakaretšo la kabo ya ditirelo ebago Intergrated IDP. Se ke kage Melawana ya Mmušo wa selegae e gapeletša Mabasepala gore dikakanyo tša badudi di swanela goba karolo ye kgolo ya IDP.

Badudi ba Ward 19 go akaretšwa ba ka mo Witten, Senwabarwana le Dilaeneng ba ile bošego bja maabane ba kgobokantšwa ka Holong ya Masepala gore le bona batle ba phethagatše ditokelo tša bona tša Demokrasi. Bona ba tšweleditše maikutlo malebana le ka tsela yeo Masepala o abago ditirelo, le ka tsela yeo ba bonago Masepala o ka kaonafatša ka gona kabo ya ditirelo.

Tše dingwe tša tšeo ba di tšweleditšego e bile dinyakwa tša go swana le tlhokelo ya Clinic yeo e šomago dilri tše 24, go agwa ga Holo ya setšhaba le Sekolo ka mo gola Witten. Ba akantše gape gore Masepala o šale morago Masepala wa Selete wa CDM gore o akgofiše lenaneo kgoparara la go tliša meetse ka tikologong yeo. Baswa bao ba bego ba tlile ka bontšhi ba bontšhitše gore tlhokego ya mešomo e sale tlhoba-boroko gomme ba ipileditše go Masepala go tsenya letsogo ka go netefatša gore goba seo se bitšwago Tswaragano le mafapa a Pribete go hlola mešomo.

Meyara Cllr. Maria Thamaga o retile ka fao badudi ba tšweleditšego maikutlo a bona ntle le mašata, le gore Masepala o tla tšwela pele go boledišana le mafapa ka moka a go aba ditirelo gore badudi ba tšwele pele go hwetša ditirelo tša maleba. Meyara o tshepišitše badudi gore Masepala o tla tšwele pele go kgonthišiša kabo ditirelo, gomme o ipiletša gore ba seke ba fela pelo kage Masepala ga bjalo o sena tšhelete e kaalo go ka tliša ditireloka moka ka nako e tee.



